

اللقاء) 20 (| #تفسير_سورة_النور | د. أحمد جلال

أحمد جلال

السلام عليكم ورحمة الله وبركاته اعوذ بالله السميع العليم من الشيطان الرجيم. بسم الله الرحمن الرحيم الحمد لله رب العالمين والصلوة والسلام على اشرف المرسلين سيدنا محمد وعلى الله وصحبه ومن تبعهم باحسان الى يوم الدين اما بعد - 00:00:00 آآ اليوم باذن الله تبارك وتعالى يا اخوانا واحواتنا هو الدرس الثاني من تفسير سورة النور وزي ما قلت لكم من هذا التفسير هو تفسير انما علينا به التفسير الموضوعي - 00:00:22

موضوع تكلمت عنه السورة قلت لكم ان المحور الاساسي داخل هذه الصورة هو ما يتعلق بالتربية بصورها وانواعها المعروفة. ولا زلت يعني اؤكد معكم على ان قضية التربية هي قضية عمر. قضية التربية - 00:00:36 قضية آآ حياة او موت بالنسبة لنا جميعا النهاردة كنت يعني باسم احد الفيديوهات بعثته لي حد من اخواننا الاحباب آآ عن آآ امرأة مسلمة هي مش محجبة اصلا هي طالعة متبرجة جدا - 00:00:56

وهي كانت تعمل في الامم المتحدة كانت شغالة مترجمة هناك في الامم المتحدة وكانت المرأة بصراحة يعني بعض النظر عن تبرجها انما كلامها كان كلام بيوضح آآ مدى الحرب المعلنة على هذه الامة - 00:01:16

وعلى ثقافة هذه الامة وعلى تربية هذه الامة فهي بتتكلم عن هي شغالة في الترجمة فيتكلم عن اهمية اللغة العربية واهمية ارتباط المسلمين بهذه اللغة. وانا تعجبت جدا ان امرأة متبرجة - 00:01:34

وحياتها كلها عايشاها في الغرب. وعندها هذا الارتباط باللغة العربية وكانت بتتكلم عن الاسباب التي ادت الى ضعف المسلمين فبتقول آآ مش انا اللي هتكلم على اسباب ضعف المسلمين. ولكن انا هتكلم من خلال كتاب انجليزي لاحد كبار - 00:01:53

علماء الانجليز والكتاب اسمه الثورة الاسلامية وكان بيناقش فيه هذا الدكتور اهم الاسباب التي ادت الى قوة المسلمين فكان بيقول من ساعة ما نزل الانجليز الى بلاد المسلمين كانوا بيدققوا جدا في اهمية معرفة مصادر قوة المسلمين - 00:02:16

ازاي دولة زي الدولة الاموية تصل الى مشارق الارض ومغاربها. ومن بعدها الدولة العباسية. ومن بعدها دول الاسلام الى اخر دولة جمعت شمل المسلمين الدولة العثمانية قالت ازاي المستشرق الانجليزي ده بيقول ازاي المسلمين وصلوا الى هذه القوة - 00:02:45

فكان بيقول ان من ضمن اقوى واهم مصادر قوة المسلمين كان تمسكهم في هذا الوقت بلغتهم العربية وكان بيقول ان الطفل الانجليزي بيهموا جدا بتعلمه اللغة الانجليزية في فترة من ثلاثة لست سنين. او من ثلاثة لتسع سنين - 00:03:09

وكان الطفل بيخش في المرحلة الابتدائية وهو معه ست الاف كلمة في اللغة الانجليزية. وده كان بيضفي على اولادنا قوة وشدة ورجولة لما بحسوا عن اسباب قوة المؤمنين او المسلمين وجدوا ان الطفل المسلم بصوا يا اخواننا احنا بيتلعب معنا ازاي - 00:03:29

ان الطفل المسلم بيبدأ ابوه في تعليمه القرآن ان هو عنده تلات سنوات فيحفظ القرآن وهو عنده ست سنين في الكتاب. ده كلام المستشرق الانجليزي. فيبحفظ القرآن في خلال التلات سنين - 00:03:54

من خلال القرآن الكريم بيحفظ اكتر من خمسين الف كلمة بيحفظكم كلمة؟ خمسين الف كلمة. وبعد كده يخش كان الزمان اول ما بيعلمه الاطفال بيعلموهم ازاي يحفزوا والف بيت من الفية ابن مالك. الف بيت من الفية ابن مالك. فالولد يحفظ من خلال الالفية كمان حوالي مسلا - 00:04:12

سبعين تمن تلاف كلمة من خلال الفية ابن مالك. تمن تلاف كلمة القرآن كم الف كلمة؟ ادي خمسين الف كلمة فالولد يخش ابتدائي مع ستين الف كلمة من خلال الكتاب لذا اهتمت دولة الانجليزمنذ ان نزلت الى بلاد المسلمين للقضاء تماما على الكتاب - 00:04:39

نجحوا بنسبة كبيرة جدا نجحوا فبدأ ينشأ عندنا اولاد في قمة الضعف بيتكلم بتكميل الدكتورة دي ويتقول من ضمن الكتاب. من ضمن ما يتعلق بالكتاب ايضا انهم عشان يشغلونا عن لغتنا - 00:05:06

العربية بدأوا ينشاؤا في المقابل مدارس خاصة لأولاد الطبقة العليا المدارس الخاصة دي ينهوا فيها تماما عن تعليم الاولاد اللغة العربية طب ما هو الاولاد هيتعلموا اللغة الانجليزية وهيكونوا بنفس القوة بتاعة الاولاد اللي بيتعلموا في انجلترا. قالوا لأ احنا هندיהם كمان لغة - 00:05:26

اضعف بكثير جدا من اللغة اللي احنا بندرسها فين؟ في انجلترا. وبالتالي يكون الولد بعد تماما عن اللغة العربية وفي نفس الوقت ما وصلش لدرجة قوتنا في اللغة الانجليزية. قالت طيب ما هي مش كل ابناء المسلمين هيخشوا المدارس الكبيرة اللي اللي بالفلوس دي 00:05:49 -

قالوا خلاص ستعمل من خلال المدارس الحكومية واحد على الغاء الدين وارتباط الاولاد بالقرآن. نجحوا اتنين ان احنا ندي لهم اللغة العربية بدون تمهيد وبدون تدرج. وبالتالي الولد يبقى في سانوية عامه بيأخذ قواعد النعت والبدل - 00:06:09
اضافة ومش عارف ايه وايه فالولد يبقى ابغض مادة عنده هي الفيزياء والكيمياء ولا اللغة العربية؟ وبالتالي لا يكون هناك اي ارتباط بين المسلم وبين لغته وبين كتابه نجحوا - 00:06:29

شفتم احنا بيطلع معنا ازاي عشان كده انا بقول لكم احنا محتاجين عودة تانية لهذه التربية الصادقة. اللي احنا هنستخرجها من خلال كتاب الله سبحانه وتعالى على فكرة هذا الكلام مش كلام المستشرق الانجليزي وبس - 00:06:48

ابدا ده علم كل مستشرق وكل مستعمرا نزل لبلاد المسلمين كان يعلم يقينا ان قوة المسلمين في تمسكهم بكتاب الله عز وجل عشان كده المحتل الفرنسي لما نزل الى بلاد الجزائر. كان من اهم الاشياء اللي بيسعى اليها حاجتين. واحد تمس معالم اللغة العربية - 00:07:07

اتنين ان تخلع المرأة المسلمة حجابها لتغطي به القرآن. يعني ايه؟ يعني ايه الكلام المجعلص ده ايه الكلام المجعلص ده لو لك حد بيكلمك على الفيس من الجزائر او المغرب او تونس هتلاقى كلامه اشبه للعربية ولا اشبه للفرنسيه؟ قولوا واحدا اشبه - 00:07:31

الفرنسيه الامر الثاني الامر الثاني ينبغي علينا ان نسعى الى ان تخلع المرأة المسلمة حجابها لنغطي به القرآن. لأنهم عارفين قد ايهم الحجاب بالنسبة المرأة قوي جدا يدل على هويتها والدليل على ذلك اوروبا اللي بتندادي بالديمقراطية هي اول دول - 00:07:56
الآن واقفة في وجه حجاب المرأة المسلمة خلوا النهاردة امرأة محجبة في اوروبا تبقى ماشية بحجابها. وشوفوا ايه اللي بيحصل لها جميل يبقى اذا احنا محتاجين فعلا عودة صادقة لهذا الكتاب لأن احنا عارفين كوييس جدا مصدر قوتنا ومصدر عزتنا في العودة لكتاب الله عز وجل - 00:08:19

ابقى عارف كوييس جدا ان عدوهم ما يهتم به ان يحدث فجوة بين المسلمين وبين كتاب الله عز وجل واحدنا نقول لهم هيئات هيئات. هنفضل دايما نقرب المسلمين لكتاب الله عز وجل. النهاردة هناخد القسم الثاني من اقسام التربية اللي الصورة تكلمت - 00:08:42

عليها وهو ما يتعلق بالتربية الاخلاقية وده الجانب الاعظم داخل سورة النور اه صفحة ثلاثة وعشرين بس معلش انا استاذكم. تربويانا علميا اقفل اي حاجة في ايدك. افهم مني. وبعد كده المذكرة ابقى ارجع للبيت زاكر فيها. بس عشان تبقى مركز معندي لأن ربنا عز وجل - 00:09:01

اتعلمنا في القرآن منهجه تربوي اساسي. ما جعل الله لرجل من قلبين في جوفه. يا ترکز في المذاكرة يا ترکز معندي. انا هاقول لك رکز معندي دلوقتي وبعد كده رکز - 00:09:22

رکز في المذكرة بعد كده يعني ايه تربية اخلاقية ما معنى التربية الاخلاقية التربية الاخلاقية معناها تهذيب تهذيب للغرائز تنمية للعواطف تقوية للارادة الصالحة كسب للعادات النافعة التي تجعل المسلم - 00:09:32

انسانا فاضلا في مجتمعه فال التربية الأخلاقية تهذيب للغرائز تنمية للعواطف الشريفة تنمية للراردة الصالحة
كسب للعادات النافعة التي يجعل المسلم انسانا فاضلا في مجتمعه وبعض اهل التربية علماء التربية قالوا تربية باختصار
خالص معناها - 00:09:55

هي تنشئة المسلم وتكوينه انسانا متكاما من الناحية الأخلاقية. بحيث يصبح في مجتمعه مفتاحا في كل خير مغلاقا لكل شر التربية
الأخلاقية اخوانا واخواتنا مبنية على دعامتين. اخواتنا اللي ورا اللي فاتحين مذكرة في الواد - 00:10:26

التربية الأخلاقية مبنية على دعامتين دعامة القواعد الامر ودعامة الاوامر النافية الامر عندنا في الاسلام مبنية على الاصلين دول
ان في اخلاق سيئة مذمومة الشرج جاي علشان ينهى عنها بسميتها القواعد النافية - 00:10:50

وفي اخلاق اخرى طيبة واخلاق طيبة جاء الاسلام بالقواعد الامر لها الامر بها. احنا محتاجين هذه الاوامر ماشي يا اخوان؟ الصورة
ما شاء الله اكده لنا على كثير من الامور المتعلقة بالدعامتين هاتين. تعالوا ابتداء - 00:11:14

نذكر بعض القواعد النافية عن الاخلاق السيئة في الصورة واحد من القواعد النافية في القرآن نهت السورة والعياذ بالله عن الزنا
والبغاء وشتت الصورة حملة شرسة على كل انسان يقترب من هذه الاصول - 00:11:35

وذلك من خلال اصول. واحد يا ريت نركز كده. واحد اعتبرت الصورة الزنا جريمة يستحق فاعلها عقوبة شديدة مخزية ولا ينبغي ان
يدخل في قلوبنا رأفة تجاهه بسبب هذه الجريمة المخزية - 00:12:02

الزانية والزاني فاجدوا كل واحد منهم ايهم؟ مائة جلد ولا تأخذكم بهما ايهم؟ رأفة في دين الله. اتنين شنت السور حملة ايضا على
هؤلاء بالمقاطعة التامة لكل من يصنع هذه الفاحشة - 00:12:19

قطعوهم ما فيش علاقات تبقى بينكم وبينهم وذلك من قول الله عز وجل الزاني لا ينكح الا زانية او مشركة. والزانية لا ينكحها الا زان
او مشرك. الاية دي سبب نزولها - 00:12:37

نزلت في مرثد ابن ابي مرثد الغنوبي اللي كان بيحب امرأة في الجاهلية اسمها عنق. وعنق كانت بغي من البغایا عنق دي كانت بغي
من البغایا عنق آآ وكان آآ مرثد ده كان راجل قوات خاصة كوماندوز - 00:12:51

كان راجل كوماندوز في الدولة الاسلامية. كان بيروح كده يطلع من المدينة يروح على مكة يعرف مكة اسرة المسلمين فين. ويخش
بالليل كده متخفى يهد الاماكن دي ويأخذ المسلمين الاسرى يرجعهم المدينة. ففي مرة وهو قاعد مستخفى في ظل الكعبة جاءت
امرأة - 00:13:09

فرأته فقال من؟ قالت عنق قال وانا مرثد وقالت له الحق بنا يا مرصد تعال نقضي ليلة من بتاعة زمان فقال يا عنق ابني قد اسلمت
حببتي في الجاهلية حبيبته في الجاهلية قال يا عنق ابني قد اسلمت - 00:13:29

وان الله حرم الزنا ولقد حرم الزنا يا اهل مكة هذا الذي يحرر اسراكم طبعا جرى مرصد واهل مكة وراه. وبيقول ان هو دخل لغار
ومشركي مكة كانوا فوق الغار لدرجة ان احدهم قضى حاجته - 00:13:53

فكان بوله يسقط على وجهي ثم بعد ذلك ايه رجع المدينة فمن شدة حبه لعنق بيقول للنبي يا رسول الله انكح عنقا اتزوجها في
الجاهلية عفوا اتزوجها في الاسلام لاحظ ان واحدة الان كانت سبب انه ممكن يقتل - 00:14:13

صح ومع ذلك رايج للنبي يقول له ممكن اتزوجها؟ بيقى كان بيحبها ولا ما بيحبهاش بحبها ولا بحبهاش والله عز وجل انزل قوله
الزاني لا ينكح الا زانية او مشركة - 00:14:34

لا يقبل الانسان الزواج من امرأة زانية الا اذا كان زاني او مشرك لأن المشرك اصلا ديوث مش فارقة معه زي اوروبا كده عادي ان
صاحبه دخل ازيك اخبارك ايه؟ احوالك ايه؟ وطلع مع زوجته فوق. عادي خالص - 00:14:52

أمرت الصورة بقطع العلاقات والتثنيع على الزواج بامثال هؤلاء ثلاثة ان يقتربن في الصورة ما بين الزنا والشرك ده دلالة على ايه عظم
هذه الكبيرة عند الله عز وجل اربعة وصفت الصورة من يصنع هذه الافعال بالخبث - 00:15:09

كما في قوله تعالى ها الخبيثات للخبيثين والخبيثون للخبيثات كذلك امرت البصر وامررت ان غض البصر ده هو وان كان

من القواعد الامرية الا انه ليبعد الانسان عن القواعد الایه ؟ الناهية . قال تعالى - 00:15:33

وقل للمؤمنين يغضوا ده امر ولا نهي . من ابصارهم ليه ؟ لأن هذا يؤدي الى بعد الانسان عن الاوامر الناهية اللي هي الایه ؟ الزنا ويحفظوا خروجهم اي اول خلق السورة شنت عليه حملة بشعة . في الاوامر في القواعد الامرية ولا الناهية ؟ الناهية . اتنين من القواعد الناهية اللي وردت في السورة - 00:15:57

تحذير الصورة من افات اللسان تحذير الصورة من افات اللسان . وده كان له صور كثيرة جدا جدا في الصورة . واحد من اوائل الاوامر الناهية في الصورة النهي عن القذف والقذف ده افة من افات ايه ؟ ايه ده ؟ انت بدأتم تشووفوا الصورة بقى ماشية معنا ازاي - 00:16:18

بدأتوا تشووفوا الصورة بدأت تتسع معنا . ايه ده معقول القواعد دي في الصورة واحنا مش واخدین بالنا طب تخيل لما نعمل ده على كتاب الله عز وجل كاملا . دكتور شريف - 00:16:41

تخيل لما القواعد دي تتحطط بقى مش على سورة النور اللي برضو ايه هي صورة ومؤيدانا . فما بالك لو اتحطروا بقى على قواعد الاسلام الكاملة . اتنين قال واحد في القذف والذين يرمون المحسنات ثم يأتوا باربعة شهداء شف بقى الحملة اللي عليهم . ما هي دى افة من افات اللسان . واحد فاجدوهم ثمانين جلدة . اتنين - 00:16:53

لا تقبلوا لهم شهادة ابدا . ثلاثة واولئك عند الله هم الفاسقون الاففة الثانية من افات للصورة حاربتها من افات اللسان . في القواعد الناهية عن الاخلاق السيئة . واحد اشاعة الفاحشة يعني ايه اشاعة الفاحشة - 00:17:13

الكلام الفاحش بين الناس للاسف افة مذمومة بين النساء بعض النساء ما ينفعش اصلا حتى في التربية ان احنا نعمم افة مذمومة عند بعض النساء المتزوجات . الحديث عما يكون بين المرأة وبين زوجها . ده عمل ده سود فعل ده ما فعلشي او افة - 00:17:31
تاني برضو في اشاعة الفاحشة ان الزوجة تبدأ تتكلم على صاحبتها بمواصفات جسمها قدام زوجها . ده فلانة ده جميلة ده عينيها مش عارف شكلها ايه ده شعرها عامل ايه . اعد الله هذا من اشاعة الفاحشة بين المؤمنين . قال صلي الله عليه وسلم لا تتعتوا - 00:17:53
المرأة المرأة لزوجها كأنه يراها . اوعى في يوم من الايام امرأة تعمل كده . وقال صلي الله عليه وسلم ان من اشر الناس منزلة عند الله الرجل يفضي الى المرأة والمرأة تفضي الى الرجل ثم يفضي سرها . ده اسوأ الناس منزلة عند الله . الكلام الفاحش اللي ربنا اللي النبي صلي الله عليه وسلم قال فيه - 00:18:13

ان الله ليبغض الفاحش البذيع . مين الفاحش البذيع ؟ اللي بيtalk في الكلام ده وقال صلي الله عليه وسلم ليس المؤمن بالطعن ولا اللعن ولا الفاحش . المؤمن مش كده . ويجلس النبي في يوم مع الصحابة فيقول لهم ايه ؟ لعل الرجل منكم - 00:18:33
حدثوا بما يكون بينه وبين امرأته . ولعل المرأة منكم تحدث بما يكون بينها وبين زوجها . النبي قال الكلمة دي قامت صغيرة زي الصاروخ كده زي الطبق والله يا رسول الله انهن ليفعلن وانهم ليفعلون . ويكون البنت كانت مستفحة هذا الفعل - 00:18:49
قال صلي الله عليه وسلم مثل الذي يصنع هذا كمثل شيطانا في الطريق ففجر بها والناس ينظرون صورة شنت على هذه الاففة والاففة دي يا اخواننا مشهورة جدا في الافلام - 00:19:13

صح مشهورة جدا في المسلسلات الكلام الفاحش البذيع ده مشهور جدا في الافلام وفي المسلسلات قولا وعملا القواعد الاوروبية في التربية يقول لك ده ده فن انما القواعد التربية في الاسلام يقول لك ده ده ايه ؟ فحش . شفتم الفرق الكبير بين قواعد ؟ هناك في اوروبا في فرنسا مسلا في فرنسا مسلا - 00:19:29

في فرنسا كانوا شايفين ان رسم المرأة العارية ده دي من اعلى صور الفن اللي بتتميز به فرنسا . رسم المرأة عارية تماما . فاكرين زمان فيلم تيتانيك لما كان بيرسمها وهي عارية - 00:19:55

ده فن عندهم . انما احنا عندنا في الاسلام ده اسمه ايه قلة ادب اسمه فحش اسمه خبث والعياذ بالله هو ده الفارق دايما بين التربية الاسلامية وبين التربية الدينية يبقى واحد في افات اللسان القذف اتنين الفحش - 00:20:11

ثلاثة الكذب الافك البهتان نربى ولادنا ما ينفعش نكذب نربى ولادنا . انا بسمع الكلام ده لكل ولادنا اللي حاضرين معنا النهاردة ما

ينفعش نكذب ما ينفعش النهاردة نهول في الكلام - 00:20:33

نقول لولادنا ان اللي بيكتب بيتفقش وبيتعرف عنه انه كذاب نقول لولادنا اللي حاضرين النهاردة اللي الطفل اللي بيهول في الكلام
وبيكبر الموضوع قوي بيعرف انه كذاب فما ينفعش ولادنا يكذبوا . والكلام ده يكون لنا - 00:20:58

والكلام ده يكون لنا قال الله سبحانه في في اوائل السورة الخامسة ان لعنة الله عليه ان كان من الاله شفتم وقال الله الخامسة ان
غضب الله عليها ان كان من الصادقين - 00:21:17

شووفوا القواعد شوف القواعد لو هي كذابة ربنا يغضب عليها ولو هو يكذب ربنا يلعنه ولو لم يكن من قبح الكذب الا الایتين دول ان
الكذب بيستوجب لعنة الله وغضبه كفى بالكذب - 00:21:36

حاضر حاضر هتيجي ان شاء الله هتيجي ان شاء الله خمسة او اربعة في في الاخلاق للإسلام ذمها. الاوامر النهاية او القواعد النهاية
في افات اللسان تناقل الكلام بلا ثبات وبلا دليل - 00:21:54

ان حد ينقل كلام من غير ثبات ومن غير دليل ودي مشكلة المشكلات حصلت مشكلة من يومين بالضبط آآ ان حد قال على حد حاجة
فلما جبت الحد ده وقلت له انت شفت بعينيك ؟ قال لي لأ - 00:22:20

انت بتتكلم ليه بتتكلم ليه ما هي مشكلة المشكلات اللي حصلت في سورة النور حادثة الافك السيدة عائشة اترمت بالفاحشة ؟ ده كله
الازمة جت منين ؟ من دي الازمة دي كلها جت من دي - 00:22:44

تناقل الكلام بلا دليل وبلا ثبات قال تعالى اذ تلقونه ها طب هو الانسان هو ربنا بيعاتب الناس اللي خاضت في الافك ؟ هو الانسان لما
بيجي النهاردة يسمع خبر بيسمعه بودانه ولا بلسانه ؟ الانسان بيتلقي الخبر - 00:23:02

طب بالودان ولا باللسان ؟ ها ؟ بالودان. فربنا قال اذ تلقونه باذنك ولا بالسنتكم دي معناها ايه ما حدش وقف معه قبل كده هنشوف
معه قبل كده وتلتقي الاخبار بالودن مش باللسان. عمرنا ما سمعنا قبل كده ان الخبر بيتلقي باللسان - 00:23:19

اه ده ربنا قل ها ده اول حاجة ده قبل ان يأتي الخبر الى اذنك انت اتكلمت قبل ان تثبتت وقبل ان تتبين انت اتكلمت ودي كارتة
النهاردة تعال شف النهاردة الفيس بقى والاخبار اللي عليك بهذه الصورة. سواء بقى في احاديث سواء في قصص سواء في كلمات.
يعني مثلا من الكلمات المشهورة - 00:23:42

جدا يقول لك ايه وقال ابن القيم رحمه الله وآآ الكلمة اللي هي كان بيقول عليها ايه ان الانسان اللي عنده مسلا معاشي سريدي سبب
لسوء الخاتمة وينسبها لابن القيم. انا قلبت كتب ابن القيم كلها. انا باحجه جدا فانا مرتبط اوبي بكتبه - 00:24:10

اه ذنوب الخلوات اصول الانتكاسات كلمة مشهورة جدا يقول لك قال ابن القيم انا قلبت كل كتب ابن القيم. الحمد لله للهم لك الحمد.
من عشرين سنة ومشايخنا كانوا بياكروا جدا على الكتب دي. فالواحد لله لك الحمد لله لك الحمد - 00:24:36

درست كتب ابن القيم استخدمت المكتبة الشاملة عشان ابحس في كتب ابن القيم كلمة كلمة مش منسوب اصلا لابن القيم خالص اللي
كان مش بتاعه اصلا ان في اخبار تتناقل وتتوارد خبر ممكن يهد كيان دولة - 00:24:52
ويتنقال ويتنشر ومش عارف ايه في الاخر الكلام ده غير صحيح اصلا عشان كده ربنا قال اذ تلقونه بالسنتكم وتقولون بافواهكم ما
ليس لكم به علم. ربنا يقول وتحسبونه هيأنا وهو عند الله - 00:25:10

القاعدة الثالثة من القواعد المتعلقة بالقواعد النهاية وكانت اول قاعدة كانت ايه في كت فين تحرير الفواحش اتنين تحرير ما يتعلق
بآفات اللسان. ثلاثة التبرج وابداء المفاتن واثارة الشهوات تخيل بنتين النهاردة بعد ما عملت بروتين - 00:25:25

وشعراه بقى سايج شكله حلو. اول حاجة عملتها قامت قاعة الحجاب وماشية بشعرها في الشارع كنت عايز اقول لها ان ربنا قال ولا
بيدين زينتهن الا لبعولتهن. الزينة دي للزوج - 00:25:49

احنا فوجئنا النهاردة ان الزوج ما عدش بيشف زينة وما عادش بيشف الزينة الا في الشارع هي آآ اول ما يخش البيت عنده بسم
الله ما شاء الله آآ ربطه الفجل هنا ورابطة البصل هنا. يا وحاجة بشعة يعني - 00:26:05

اه وحاجة بشعة جدا ويطلع برة في الشارع يرى والعياذ بالله ابهى صور الزينة وده من التلاعيب اللي حصل فينا في تربيتنا المفترض

ان ربنا سبحانه وتعالى قال ولisperbin بخمرهن. الخمار اهو على جيوبهن. الجيب اللي هو منطقة الصدر. ربنا بيقول ان الخمار -

00:26:25

يبقى نازل من فوق لازم يبقى نازل من فوق عشان هو نازل من فوق يبقى واسع. يبقى نازل من فوق فيغطي الحلة دي. يغطي المنطقة دي. هم النهاردة لأ ده احنا هننظم - 00:26:48

ترضيه اوي ونرفع الايشارب فوق اوي اوي فاحنا نبين الرقبة وده المقصود من قول الله ولا تبرجن تبرج الجاهلية الاولى تبرج الجاهلية الاولى يعني اظهار الرقبة. ان هي تظهر رقبتها - 00:26:58

وهم النهاردة ضحكوا علينا. قالوا لنا هنفطي الشعر بحثة قماشة. واحد بالك؟ وبعد كده الرقبة تبان. واهم حاجة. المنطقة دي لازم تظهر بصورة قوية ليه مع ان الاصل ان اظهار الزينة لا يكون الا لأشخاص محددين - 00:27:14

هم النهاردة اظهروا زينة المرأة برة في الشارع يقول لها انا عايزك ايه تصبغى خصلتين من هنا. خصلة تنزيلها من هنا وخلصة تنزيلها من هنا. ده ايه؟ يا بنتي المفترض احنا عارفين ان دي زينة - 00:27:36

بس الزينة دي تداري ما تزهرش الله سبحانه وتعالى اولا امر آآ بعدم عفوا آآ انتم عندكم في المذكرة في صفحة خمسة وعشرين عدم حفظ العورات هو عدم اظهار العورات - 00:27:50

هو عدم اظهار العورات نصلحها بس معلش الصفحة خمسة وعشرين والله سبحانه وتعالى امر بحفظ العورات. دي في في في القواعد النهاية عن التبرج ابداء المفاتن واثارة الشهوات. واحد امر الله سبحانه وتعالى - 00:28:10

او احرف كلمة عدم. احرف كلمة عدم. امر الله عز وجل بحفظ العورات. فقد امر ربنا تبارك وتعالى بحفظ العورات وعدم كشفها وهو معنى من معاني قوله تعالى ويحفظوا فروجهم. فمعنى حفظ الفرج معناه عدم اظهار المفاتن قدام الناس - 00:28:26

اتنين التبرج واظهار المفاتن ومواقع الزينة لغير المحارم. لقوله تعالى ولا يبدين زينتهن الا ما ظهر منها اربعة من القواعد النهاية في السورة عدم حلف الانسان على فعل يدفعه الى التقصير في طاعة الله - 00:28:48

انك عود نفسك ما تحلفش الا في حاجة هتنفعك انما حلف يمنعك من فعل الخير دي كارسة من الكوارث وده حصل مع مين مع ابي بكر الصديق رضي الله عنه لما اقسم الا يعود في النفقة على مين؟ على المصلحة. الخلق الرابع الحلق الخامس عفوا النفاق والظلم - 00:29:12

ودي من اكتر الحاجة اللي الصورة انكلمت عنها الجهة الثانية القواعد الامارة القواعد الاميرة في الصورة. امرت الصورة بالتحلي بالاخلاق الفاضلة وهذه الاخلاق الفاضلة يا اخوانا هنقسمها. ما انا قلت لكم الجانب العلمي بنحتاج دايما للتقسيمات - 00:29:36

الاوامر الفاضلة اللي وردت في السورة ماشية في اتجاهين حاجة متعلقة بك، فرد حاجة متعلقة بالجماعة المسلمة او بالمجتمع المسلم ماشي طيب اول هذه الاخلاق المتعلقة بالاخلاق الفردية. حاجة متعلقة بفرض. واحد حسن الظن بالمؤمنين - 00:29:58

انك تكون دايما حسن الظن بالمؤمنين قال تعالى لولا اذ سمعتهم ها ظن المؤمنون والمؤمنات بانفسهم خيرا. قلت لكم سبب الرضا في مين؟ في ابي ايوه الانصاري ان حصلت حادثة الاشك قاعد مع زوجته فيبيقول لزوجته ايه ام ايوه انت لو كنت مكان عائشة كنت انت عملت اللي هم بيقولوا عليه - 00:30:20

قالت له لأن. قال لها عائشة افضل منك فلا تفعل هذا فظن المؤمنون والمؤمنات بانفسهم خيرا بانفسهم هي المفترض ظن المؤمن في غير القرآن. ظن المؤمنون والمؤمنات بايه بغيرهم بغيرهم خيرا. يا اخوانا عيشوا مع معاني القرآن - 00:30:47

المعنى في غير القرآن. ظن المؤمنون والمؤمنات بايه؟ بغيرهم خيرا. ليه ربنا عدل من خيرهم من غيرهم الى انفسهم عشان يقول لك ايه اصل اخوك ده ايه انت اخوك ده ايه؟ انت - 00:31:08

عشان كده ربنا بيقول لنا فاذا دخلتم بيوتا فسلموا على اهلها. صح كده لأن فسلمو على انفسكم اصل اهل البيت دول مين جزاكم الله خيرا فسلموا على انفسكم وفي الصورة ضرب لنا الصحابة المبدأ العظيم في مبدأ حسن الظن. في موقف ابي ايوه الانصاري. اتنين موقف النبي صلى الله عليه وسلم مع اسامه بن زيد - 00:31:28

لما راح النبي لاسامة ابن زيد بيستشير الصحابة في في شأن الحادثة الكبيرة دي نعمل ايه وقال فاشار اسامة بن زيد بالذى يعلم من براءة عائشة وقال يا رسول الله هم اهلك ولا نعلم الا خيرا - 00:31:55

يا اخوانا يا اخوانا الجيش مشى والسيدة عائشة جاية لوحدها مع مين ؟ مع صفوان ابن المعاطي. انت كنت فين ؟ وهو ليه اتأخر وجايين مع بعض ليه وكتتم فين بالليل ؟ فكل الدلائل حوالين القصة فدل ان فيه ايه ؟ فيه مشكلة - 00:32:11 اسامة بن زيد يقول له يا رسول الله انما هم اهلك. ولا نعلم عنهم الا خيرا. يا اخوانا ده الدلائل بتقول غير كده. دلائل مش دلائل احنا عندنا حاجة اسمها ايه - 00:32:32

ظلم اما زينب اما زينب دي تقرب ايه للسيدة عائشة ضرتها يعني ايه ضرتها ؟ يعني حلو جات لنا على الطبطاب. لا والله تقول له يا رسول الله بل احми سمعي وبصري ما - 00:32:42

فاعلم عنها الا خيرا. ده اسمه ايه حسن ظن ايه ده ده الجيل الفاضل اللي اتربي على حسن الظن طب يا اخوانا هو حسن الظن ده مع كل الناس - 00:33:05

ودي نقطة مهمة جدا حسن الظن ده مع كل الناس حسن الظن لا يكون الى مع اهل الدين والخلق والبراءة من المشاكل والعيب علشان ما تجييش بقى ايه حرامي ومعرفو انه حرامي وجاي لك البيت يقعد معك شوية وبعد ما مشى مباشرة انت حاطط التليفون - 00:33:33

كده وهو نازل انت ما لقتش التليفون. فمراتك تقول ده هو حرامي ده هو اللي سرق التليفون. لا يا اختي احسني الظن باخيك المسلم لا ده ده جنون ده جنون ده عبط - 00:33:58

لا لا حسن الظن لا يكون الا بمن ؟ بمن كان بعيد عن التهمة. ماشي الخلق الثاني هو التثبت وتحري الحق وعدم الحكم بالظن التثبت وتحري الحق وعدم الحكم بالظن السيدة زينب بنت جحش لما قالت احми سمعي وبصري معناها ايه - 00:34:13 انا لسمعت ولا شفت بس سبحان الله هذا الدرس نتعلم من قول الله لولا جاؤوا عليه بايه احنا مش هنصدق اي حد غير لما يأتي بايه شفت دينك وجماله شفت دينك وجماله - 00:34:40

شفت دينك وعظمة هذا الدين الخلق الثالث الصبر وضبط النفس صبر وضبط النفس اوعى في يوم من الايام علشان حصلت مشكلة لاخوك او لابنك او لبنتك انك تندفع في الدفاع عن بنتك او ابنك - 00:35:13

من غير ما تكون يعني اه نفسك تدعوك للدفاع عن دي بنتي وده نأخذه من موقف ابي بكر الصديق وام رومان. لما السيدة عائشة استأذنت رسول الله ان هي تمرض لما مرضت بسبب اللي سمعته. وراحت - 00:35:36

عند بيت ابوها الصديق ممكن يدافع يقول لا يا رسول الله ما يقولش كده ومش عارف ايه. لا هو يصبر ويضبط نفسه لحد ما الامور تتضح حتى السيدة عائشة لما قالت لابي بكر ولامها ام رومان اجيبي عنى يا رسول الله اجيب عنى رسول الله فكان لا يقولان الا والله ما ندري ما - 00:35:53

لرسول الله نقول ايه ؟ احنا ما نعرفش هذا الموقف ايضا نأخذ من موقف عائشة رضي الله عنها من الحادثة نفسها السيدة عائشة رضي الله عنها اتعلمنا ايه منها في الحادثة نفسها - 00:36:14

يا ربتي كنت مت هو ربنا بيعمل في كده ليه ؟ انا عملت ايه ؟ ده انا مش عارف ايه ؟ الكلام اللي بنسمعه بقى من الاخوات في حالة وجود مصيبة لا والله - 00:36:31

بل السيدة عائشة قالت كلمات قالت ان قلت لكم اني بريئة والله يعلم اني بريئة لا تصدقوني بذلك ولئن اعترفت لكم باامر والله يعلم اني بريئة لا تصدقوني. لو قلت لكم ما عملتش مش هتصدقوني وقلت لكم عملتم هتصدقوني - 00:36:44

وانى والله ما اجد ما اقول لكم الا كما قال ابو يوسف من شدة حصرتها نسيت اسم سيدنا يعقوب فقعدت تفتكر مين مين اسمه ايه ده يدلك على مدى الهم اللي نزل بها - 00:37:07

لا اجد ما اقول لكم الا كما قال ابو يوسف. ها وصبر جميل شفت الاخلاق فصبر جميل والله المستعان على ما تصفون. خلق الرابع من

الاخلاق اللي السورة دعمتها ووقفت آآ تدفعها كده بين الناس. خلق الاصلاح - 00:37:23

محو الاستقامة خلق الصلاح والاستقامة الصورة بتقول احنا عايزين الانسان المسلم الصالح اللي على خلق. المستقيم عشان كده ربنا قال لنا ان اللي قذف السيدة عائشة هنقبل توبته بس بشرط - 00:37:44

الا الذين تابوا مصلحة وقال الله سبحانه وجعل الله الصلاح والاستقامة سبب للتبرير في الارض للمؤمنين. وعد الله الذين امنوا منكم وعملوا ايه ده معقول وفي القرآن ايضا ها صفحة - 00:38:02

اه اه هي اللي كانت بتساويها في الدرجة عند النبي صلى الله عليه وسلم تساميني يعني تساويني في الدرجة عند النبي صلى الله عليه وسلم طيب وجعل الله سبحانه وتعالى الصلاح سبب ان اللي منشوف انسان صالح - 00:38:27

كلنا يا اخوانا نقف جنبه في شاب من شبابنا صالح في في الدرس ظهر صلاحي في طلب العلم. كلنا نبقى في ضهره احنا هنجيب لك كتب وهنتكفل بمصاريف آآ التنقلاتك بين المشايخ والدعاة عشان تتعلم العلم - 00:38:43

ولما شفنا اخت من اخواتنا ما شاء الله صالحة بتحضر معنا وراه. خلاص ناخذ اسمها وبياناتها وكلنا نقف معها لحد ما يجيبي لها الزوج الصالح اللي يكون اهل لها ولما يكون فيه عندي شاب ما شاء الله على خلق وعلى صلاح وبيدور على شغل وعنده بيت وزرية هنقف كلنا في ضهره ونقول له احنا كلنا في ضهرك لحد ما - 00:39:01

ان شاء الله تقف على رجليك ويبقى عندك الوزيفة الكويسة والكلام ده. شفنا في يوم من الايام ولا بلاش دي عشان ما تتفهمش غلط ربنا بيقول لنا ايه في القرآن وانكحوا الايام منكم والايده - 00:39:21

والصالحين من عبادكم واماكم لو عندك عبد صالح زوجه وخليك واقف معه شوف مصاريف الزواج وزوجه. تعالوا نسقطوا على واقعنا. شاب من اخوانا صالح كلنا نقف معه لحد اخواننا فين المعاني دي - 00:39:39

يعني وانكحوا الايام منكم والصالحين من عبادكم واماكم. فين المعاني دي في حياتنا ليه مش موجود مش موجود الا من رحم ربى طبعا. موجودة بس بقلة الخلق الخامس الاستجابة للحق والرجوع للفضيلة - 00:39:55

ان مش عيب ان انا في يوم من الايام اغلط مش عيب في يوم من الايام ان انا اعمل كارسة كبيرة. بس العيب ان انا افضل مستمر. لا ارجعى. عملتى فيهم حاجة غلط ارجعي. وربنا يقبلك - 00:40:19

عملت في يوم من الايام كارسة من الكوارس ارجع وربنا يقبلك. ارجع للحق الاستجابة للحق والرجوع اليه. دي فضيلة من الفضائل من القواعد الامرية في كتاب الله عز وجل في سورة النور. والدليل على ذلك ان ابو بكر الصديق لما حلف والله لا - 00:40:32

انفق على مسطح نزل القرآن وليعرفوا وليصفحوا. سيدنا ابو بكر الصديق عمل ايه انا احب ان ربنا يغفر لي فيقول سيدنا ابو بكر الصديق رضي الله عنه بل احب ان يغفر الله لي ويبدعوا آآ مصلح ابن وساسة ويقول له تعالى يا مصلح - 00:40:48

والله يا مصطفى بعدما انزل الله ما انزل لاضاعفن لك النفقة ده مش رجع للحق ده مش رجع للحق. ده بيقول لي انا كنت هاديك مية كنت باديك مية زمان. انا دلوقتي هاديك كم - 00:41:05

ده مش رجوع للحق انا مش عارف ايه اللفزة اللي تعب عن عن مشهد المشهد ده و موقف الصديق ده صديق بس الامر اللي بعد كده الخلق السادس خلق جميل جدا الالتزام بالعفة والاحتشام - 00:41:21

ان المرأة تلتزم بالعفة والاحتشام. آآ الاخت لابسة نقاب وحاطة ميك اب كامل وماشية لابسة لينسيز. وهي ماشية في الشارع شايفين عينيها جميلة والميك اب مبين الحادة دي ومنزلة يا اختي ده مش عفتكم ابدا مش ده الاحتشام - 00:41:40

ان ان حاطة على ايديها تاتو وقال على الجوانطي آآ ان الاخت لابسة ضيق جدا جدا جدا جدا. يعني تكون ما فييش لأ مش احنا اللي بنعمل كده - 00:41:59

ربنا عز وجل امر في القرآن من القواعد الامرية الالتزام بالعفة والاحتشام. قال تعالى وليس عفيف العفة وليس عفيف الذين لا يجدون نكاحا قال الله عز وجل والذين يرمون المحصنات اليه الغافلات - 00:42:18

يعني ايه الغافلات الغفل في القرآن مذموم اصلا اسمع اللي جاي دي هذا ثناء من الله عليهن بانهن غافلات عن الفواحش ومواطن

الريب سليمات الصدور نقيات القلوب لا تخطر الفواحش في قلوبهن لحسن سرائرهن - 00:42:40

هي عندها غفلة اصلا عن الفواحش. عارف الانسان اللي بيقولوا عليه عنده غفلة عن الطاعة ما بيعيدهش ربنا اصلا. هي دي عندها غفلة بس عن ايه؟ هو ما بيجيش عارف الانسان الغافل اللي ما بيجيش في دماغه يصلي - 00:43:10

هي عمرها ما دار في خاطرها ولا في قلبها ولا في عقلها حاجة متعلقة بالفواحش من الاوامر الامرة قواعد الامرة في القرآن في سورة النور غض الابصار قل للمؤمنين يغضوا - 00:43:24

وقل من اتنى يغضضن من ابصارهن كذلك ايضا من القواعد الامرة في الصورة الغيرة على الاعراض والحرمات ودي حاجة مش هتلاقوه الا في دينكم ودي حاجة مش هتلاقوها الا في دينكم - 00:43:36

ولو لقيتوها على حد خلاف مش مسلم لو لقيتوها في حد مش مسلم ده نظرا لانه قاعد مع المسلمين فخد الخلق ده منهم فضلوا يأكلوا خنزير خنزير خنزير. والخنزير معروف ان هو حيوان ايه؟ ديوث. يقر على اهله الخبر. فيه فيديو لسه معروض على اليوتيوب - 00:44:00

مشاهدات رهيبة جدا عن الطريق شفتم الفيديو ده الطريق اللي اللي في يوم من الايام عرف ان زوجته بتخونه لأ شفت الفيديو نشوف الفيديو وتصوير الفيديو حاجة وهم. اكتب كده على جوجل طريق - 00:44:19

يعلم بخيانته زوجته على اليوتيوب او على جوجل. شف الفيديو البطيخ ده اقطع حبت. وبقى نزيف الدم من كل حبة علشان عرضه الخنزير مش كده الخنزير عادي انه يقر في اهله خبث عادي خالص - 00:44:40

فاللي اكل الخنزير خد من طبعه علشان كده تلاقي هذا الاصل اصل الدياثة موجود في اوروبا بصورة منتشرة جدا. هو ماشي جنب زوجته عريانة تماما. ما عندوش غير اصلا هو قاعد معها على البلاج وهي يا دوبك. يعني فيه فتل كده على على جسمها بس فتل - 00:44:58

وعادي ايه المشكلة انه يعلم والعياذ بالله ان زوجته بتخونه عادي برضو ايه المشكلة انما المسلم من ضمن الاخلاق اللي وجدت عنده في تربيته من باعها القرآن والسنة مش موجود في اي حبة تانية الغيرة على العرض. الغيرة - 00:45:16

على العرض الخلق الخامس هو تحكيم شرع الله وما يستجد فيه ده دي كانت بعض الاخلاق المتعلقة بالافراد. احنا قلنا ان القواعد الاوربرة قواعد الفاضلة دي ماشية في اتجاهين. حاجة على سبيل الفرض - 00:45:34

وحاجة على سبيل الایه في اخلاق هتبقى انا المفترض اعملها يعني انا احسن الظن بك ده حاجة مني انا انما فيه حاجة بقى تربط الجماعة المسلمة او المجتمع المسلم او المسلمين او الامة المسلمة سميتها اي مسمى - 00:45:59

اولى هذه الاخلاق العفو والصفح بين المسلمين بعضهم وبعض والواحد لما بيقف مع المعنى ده في القرآن باكاد اتعجب في القتل آآ يعني حث الله عز وجل اهل القتيل عن العفو عن عن القاتل - 00:46:16

بعد ما ذكر الله عز وجل ايات القصاص قال الله سبحانه وتعالى فمن عفي له من اخيه شيء في القتل العفو مع القتل اقول لك اعجب من كده؟ تعال شف النهاردة واحد بيطلق زوجته - 00:46:34

شووفوا بيعملوا ايه في بعض شف المحاضر اللي بينهم وبين بعض وشف القواطي اللي بينهم وبين بعض. وشف النهاردة ازايا راحت للمحامي اللي معروف مش عارف بايه وايه وايه وايه وايه. خلته النهاردة جاب واحدة والعياز بالله - 00:46:49

سيئة من السينات كده وتروح ترمي جنتها على زوجها اللي قفلوا فيه من الايام باب الاوضة على بعض. على زوجها علشان تعمل محضر تعدى وهو مش عارف يعمل ايه قال الله سبحانه وتعالى - 00:47:04

لا قبلها بشوية بس اصبر. قبلها بشوية اذا طلقت النساء من قبل ان تمسوهن وقد فرضتم لهن فريضة فنصف ايه؟ ما فرضتم الا ان الا ايه؟ الطلاق يا عفو الطلاق فيه عفو - 00:47:24

الا ان يعفون او يعفو الذي بيده وان تعفو في الطلاق. علشان كده ربنا قال لنا في الموقف ده حصل فيه تتصدع في العلاقات داخل المجتمع المسلم بعد حادثة الافك في تصدع كبير. فكان من اوائل الاوامر اللي ربنا امر بها في السورة - 00:47:45

كريمة سورة النور علشان نحافظ على المجتمع ده ان احنا النهاردة الصدع ده عن طريق الایه ؟ العفو. عشان كده ربنا قال بصيغة

الجمع وليعفوا وليرفعوا الا تحبون ان يغفر الله لكم - 00:48:05

وصلت الخلق الثاني خلق مهم جدا يربط بين المسلمين بعضهم وبعض. الانفاق والتصدق على الفقراء والمساكين من اهل هذا المجتمع
قال تعالى ولا يأتل اولو الفضل منكم وال الساعة ان يؤتوا ها ؟ اولي القربي والمساكين والمهاجرين في سبيل الله. الانفاق عليهم. اتنين
قالوا - 00:48:26

الله سبحانه وتعالى والذين يبتغون الكتاب مما ملكت ايمانك ها ؟ يعني ايه آآ زمان العبد اما ان يعتق نقول له انت حر لوجه الله واما
ان يبعض يبقى نصه حر ونصه مش حر - 00:48:47

وما ان يكاتب يعني ايه يكتب عقد بينه وبين صاحبه ان انت لو جبت لي الف جنيه تبقى حر وهو عبد النهاردة واحد مننا كاتب
اه السيد بتاعه ان انا اجيبي له الف جنيه مقابل ان اكون حر. اعمل ايه - 00:49:06

يلا يا اخوانا كلنا نساعدك عشان يبقى انسان حر زي ما النبي عمل مع مين مع سلمان الفارسي ما هو سلمان الفارسي يا عيني خد
اليهود خدوه عبد عندهم. فلما كاتب آآ اليهود على ان يكون عبدا. النبي صلى الله عليه وسلم قال ايه ؟ اعينوا احراكم - 00:49:22
اعينوا احراكم اخونا بيتجوز اعينوا احراكم حصلت له مصيبة وعنه وفاة ويا عيني ما فيش فلوس. اعينوا احراكم. كذلك ايضا
من الاخلاق اللي الصورة اكدت عليها فيما يتعلق بين المسلمين - 00:49:40

المعشرة الطيبة وحسن العشرة ان الانسان منا يختار من يعاشر الانسان منا يختار آآ من يخالل الانسان منا يختار من يجلس معه ومن
يختاله طبيعي جدا المرأة الدين الصالحة لما تقعده مع بنات دائم لسانهم سليط وبيشتموا. طبيعي جدا ايه اللي هيحصل -
00:49:57

هتتأثر بهم طبيعي جدا لما يكون في شاب قاعد مع الشباب دائما ما بيصلوش وما بيعبعدوش ربنا ه تكون النتيجة ايه مش هيصللي
وهو كمان اذا اكدت الصورة على مسألة آآ تخير العشرة الطيبة سواء في اوائل السورة الزاني لا ينكح الا زانية او مشركة. طب بمفهوم
المخالفه - 00:50:22

والمؤمن لا ينكح الا ايه ؟ مؤمنة دينة مؤمنة صالحة فالصورة بتأكيد علينا على عدم التشبه بالفساق او حضور موقع التهمة او التسبب
لقالة السوء الانسان يبقى قاعد في مكان يتقال عليه كلام مش كوييس - 00:50:44
كذلك ايضا من الاخلاق والصورة اكدت عليها سترا العيوب ومن الصور ايضا الاخلاقي للصورة اكدت عليها صلة الارحام.
ومن اهم الاخلاق اللي الصورة اكدت عليها علشان تنزم حدود - 00:51:03

سواء داخل البيت او داخل المجتمع المسلم. قضية الاستئذان اللي خدت من الصورة طبعا قدر كبير وزمان احنا كانا بنأخذ الكلام ده
في ابتدائي واعدادي كانت مسائل الاستئذان من اوائل الحاجات اللي احنا بنأخذها - 00:51:17

زمان كان آآ في كتاب الدين وانت خارج من الخلاء يجيب لك صورة الولد وهو خارج من الباب كده مكتوب عليها ايه ؟ غفرانك
دولوقتي يجيب لك الواد وهو خارج من الحمام آآ لا اخرج حتى اغسل يدي بالصابون جيدا - 00:51:33
طب فيين غفرانك ؟ فين السنة ايو ما احنا هنفضل ايدينا كده بس فين السنة لأ شيلوا السنة دي من حياة الناس بقى دولوقتي.
شيلوا الدين من حياة الناس دولوقتي - 00:51:48

قضايا الاستئذان قال الله سبحانه لا تدخلوا بيوتا غير بيوتكم حتى ها يعني ايه تستأنسون الاستئناس ضد الاستيحاش اللي واقف
على الباب الناس يعني. بس ما حبتتش اقول الناس دي - 00:51:58

الواحد واقف على الباب فييخبط فهو في حالة استيحاش ومش عارف هم هيقولوا خش ولا ما تخشن فلو قولوا له اتفضل ده معناه
ايه ؟ هم استأنسوا به الاستئناس بيأتي بمعنى الموافقة. احنا وافقنا ان انت بتخشن - 00:52:18
احنا نأنس بك وفصالة السنة ما يتعلق بقضايا الاستئذان. لأن الاستئذان ثلاثا. يعني تلقي واحد مسلا ايه وهو داخل ويفضل نص ساعة
يضرب على الباب. النبي قال لنا الاستئذان ايه - 00:52:33

عـلـيـهـمـاـ إـلـيـهـمـاـ هـشـلـهـ لـحـدـ ماـ بـصـحـهـ 00:52:50

مش من السنة مش من اللادب النبي قال الاستئذان ايه ثلث اتصلت على واحد ما ردش اتصلت عليه الثانية ما ردش اتصلت عليه الثالثة ما ردش اعما ايه مش تهـ سـة مـتهـانـهـ مـكـالـمـهـ بـاـخـهـانـاـ 00:53:04

مش ستة وثمانين مكالمة لاستئذانه ثلاث. جت السنة ايضا فصلت لنا ما يتعلق بالاستئذان. واحد بيخطب علي. مين؟ انا ايوه ماشي
انت من؟ انا با عم انت من؟ - 18:53:00

وذه من من مش من ادب الاستئذان. السنة الاستئذان اخطب. مين؟ انا فلان يقول جابر استأذنت على رسول الله صلى الله عليه وسلم فقلت انا فلان اذن لي من ابا انت من 00:53:33

في السنة لما حد يخبط مين ؟ انا فلان انا فلان سنة تلاقي واحد بقى ايه شوفوا يا اخواننا ادي ادب الدين بتاعكم. سنة اني وانا
دراج عن اخمنا حسام ملا فاخمنا - 00:53:51

الصالحة بتاعتته في قلب وش الباب على طول. يعني اول ما يفتح الباب الصلاة كلها ايه ؟ اتكشفت فانا لما اجي استأذن اعمل ايه ؟ آآآ اضرب الجرس ووشي في وش الباب كده. انا منتظرك بس اول ما يفتح الباب عيني ايه ؟ يعني نطت من فوق حسام كده دخلت -

00:54:05

ايه جوة السنۃ كان رسول الله صلی اللہ علیہ وسلم اذا استأذن علی احد جعل الباب عن يمينه او من جهة ظهره. يعني ایه يعني الباب
اهو الباب آآ يعني الباب في وشی کده اھو. يعني ده الباب - 00:54:22

اهو الباب || يعني الباب في وشي كده اهو. يعني ده الباب - ٠٠:٥٤:٢٢

فكان النبي صلى الله عليه وسلم يسأل الناس في مسألة النهاية الثانية كده. ليه ليه؟ علشان عينيه ما تقعش على ايه؟ على حاجة جوة البيت من غير اذن - 00:54:38

نفعن على ايه ؟ على حاجه جوه ابيت من غير ادن - ٥٥٤٣٨

بستانز کده کان النبي يعلم الصحابة ان الباب يقرع بالاظافير کده - 00:54:50

بیسیار نده کان اسپی یعنم الصحابه ان ابب یفرع بالاضافه نده

اذاي والنبي صلى الله عليه وسلم يؤكد على ان هذا الاستئذان على ان هذا الاستئذان انما جعل من اجل البصر نحفظ - 00:55:14

ده يا اخواننا الاستئزان اللي احنا بنسميه الاستئزان ما بين الغريب على اهل البيت من الغريب على ايه؟ على اهل البيت. انا رايج ع

حد بفستان بالطريقة دي. طب الاستئذان بين اهل البيت نفسهم - 00:55:36

قال الله سبحانه وتعالى في السورة وب وأوضح اللادب العالي اللي فعلوا يا أخواننا هي دي التربية اللي احنا عايزينها لولادنا. قال الله عز

قال الله سبحانه وتعالى في السورة وب وأوضح الأدب العربي التي فعّلناها يا أخواتنا

وَالَّذِينَ لَمْ يَلْفُغُوا الْحَلْمَ مِنْكُمْ أَيُّهُ ؟ ثَلَاثَ مَرَاتٍ . مِنْ بَعْدِ صَلَاةِ الْفَجْرِ وَحِينَ تَضَعُونَ ثِيَابَكُمْ مِنَ الظَّهِيرَةِ وَمِنْ بَعْدِ صَلَاةِ الْعِشَاءِ . ثَلَاثَ لَكُمْ .

00:56:06 | ایک الکترونیکی پروپرٹیز کا فریلنر ایکسپریس

اه من قبل صلاة الفجر. لا من قبل صلاة الفجر عفواً آآكنت لسة بقرأ بحث علمي في الاية دي فهو باحث بلجيكي الباحث ده بيسأل هو

لله الدين في الاسلام؟ هو ميش مسلم. ليه دين في الاسلام؟ قال ان الاطفال ما يخشوش على الاباء والامهات - 00:56:25

في التلات اوقات دول بالذات من قبل صلاة الفجر وحين تضعون ثيابكم من الظهيرة ومن بعد صلاة العشاء فبدأ يدور ويبحس ليه التلات اوقات دوا، بالذات اشمعنى، التلات اوقات ومن بعد التلات اوقات دوا، دينا سقوا، طواهفه، عليكم اوه - 00:48:56

الثلاث اوقات دول بالذات اشمعنى الثالث اوقات ومن بعد الثالث اوقات دول رينا بيقول طواfon عليكم ايه - 00:56:48

الوقت ده العورات بتنكشف فيه فبتنكشف فيه ليه - 00:57:07

بيفرز في أعلى صوره في التلات اوقات دول - 00:57:25

فجاجة كل من الرجل والمرأة لصاحبها او لصاحبته لا تكون الا في هذه الاوقات بصورة كبيرة جدا جدا فالله عز وجل الذي خلقنا وعلم ذلك فيينا علم ان حاجة الرجل لامرأته في وقت من التلاتة دول بتكون عالية جدا او العكس - 00:57:44

فلعل الطفل يدخل على والده ووالدته في وقت من الاوقات الثلاثة دي فتطلع عين الولد على ما لا ينبغي عليه ان يطلع عليه. فربنا قال التلات اوقات دول علموا اولادكم لا يدخلون عليكم الا بعد ليستاذنكم - 00:58:05

طب وباقى النهار؟ باقى اليوم؟ خلاص ما فيش مشكلة الطوافين عليكم بعضكم على بعض. الا طبعا اذا اذا اغلق اذا اغلق باب وجب هنا الاستئذان احنا مش محتاجين دايما الغرب يقول لنا دينكم ده. يا اخوانا هو الاولى ان يطلع واحد مش مسلم يقول لي الكلام ده - 00:58:22

عشان كده وانتم لكم كل طالب فيكم لازم يكون الاول على كليته. علشان الابحاس دي مش محتاجين الغرب هم اللي يقولوها لنا احنا محتاجين ان ننور الدنيا كلها بشريعتنا. ننور الدنيا كلها بديننا وننور الدنيا كلها باخلاقنا - 00:58:42

احنا محتاجين ده طيب من الاخلاق ايضا الدين جه بها عشان يحافظ بها على المجتمع المسلم كله هو افساء السلام بين الناس احنا النهاردة اتربينا على ان كتر السلام ادي التربية اللي للأسف اللي هي بتودي في داهية وبين التربية افسوا السلام بينكم - 00:59:02
افشوا السلام ماشي ربنا سبحانه وتعالى يقول يا ايها الذين امنوا لا تدخلوا بيوتا غير بيوتكم حتى تستأنسوا السلام عليكم السلام عليكم في زمان مررت بمراحل زمان كان حد لما يجي يسلم علي من بعيد يعني سلام عليكم شيخنا اخبارك ايه عمل ايه ويعمل لي كده سلام عليكم عمل ايه - 00:59:39

الحمد لله ما شاء الله زمان كان بحفاوة ودي السنة على فكرة. كان النبي صلى الله عليه وسلم اذا صافحه احد سلم عليه كان النبي صلى الله عليه وسلم لا ينزع يده من يده حتى يكون رجل - 01:00:02
هو الذي ينزع يده ويفضل النبي ماسك ايده كده. حفاوة حب بعد شوية بقت آآ الحفاوي دي قلت شوية. سلام عليكم فلان عامل ايه بعد شوية قالت شوية. سلام عليكم - 01:00:12

بعد شوية قلت اخر حاجة بقى خالص يعمل لك كده يعنيه كده لا يا اخوانا لا لا افسوا السلام بينكم قال صلى الله عليه وسلم افسوا السلام تسلموا وقال صلى الله عليه وسلم افسوا السلام تحابوا. وقال صلى الله عليه وسلم - 01:00:27
اولى المؤمنين بالله ابدأهم بالسلام نبدأهم بالسلام. اللي بيبدأ اخوه المسلم بالسلام وقال ربنا تبارك وتعالى فاذا دخلتم بيوتا فسلموا على انفسكم تحية بصوا يا اخوانا تحية من عند الله مباركة طيبة - 01:00:47

النهاردة يقول له آآ صباح الفل ماشي صباح الفل بعد ايه صباح الفل انت ما خدتش عليها حسنة. انت السلام عليكم ورحمة الله خدت عليها التلاتين حسنة وبركاته - 01:01:11

كذلك ايضا من الاداب الجميلة او اي او اي فيما يتعلق بالمجالس بيننا وبين بعض آآ آآانا بزور اخويا حسام معلش هو حسام قريب مني او اي فباحد دايما اضرب المثل به انا وهو يعني - 01:01:29

فانا حسام جاري في البيت فانا قاعد عند حسام فانا عايز امشي طب سامو عليك واقوم ماشي واحد بعضا ايه وماشي كده على طول طب استنى اصبر لعل الطرقة اللي على يمينك وانت ماشي آآ زوجته واقفة فيها - 01:01:45

لعل يا اخي في حاجة المفترض هو بس استنى سواني بس استنى قبل ما تقومش فجأة لعلك تطلع على شيء ما ينفعش اصلا صبح فشرع الله تبارك وتعالى ان انا ودي سنة من السنن الغائبة عنا. ان احنا بنظن ان الاستئذان انما يكون ايه؟ ها - 01:02:05

قبل الدخول ولكن اللي احنا لازم نعرفه ان دينا علمنا ان الاستئذان قبل وعند الخروج. قبل الخروج قبل الدخول عفوا وعند الخروج قال الله سبحانه وتعالى آآ انما المؤمنون الذين امنوا بالله ورسوله واذا كانوا معه على امر جامع لم يذهبوا حتى - 01:02:23

ذنب ده سواء في الحرب او في غير الحرب سواء في المجالس بتعاتنا او في غير المجالس بتعاتنا. انا قاعد عند حسام انا عايز واماشي اقول له بعد ازنك يا حسام آآ اثزن لي بقى ان انا اقوم اثذن لي كده بقى ان انا اقوم امشي معلش بعد - 01:02:44

ازنك اذن لي. فيقول لي طب لحظة واحدة بس. فيقوم آآ اذا كانت الطرق ستارة مكشوفة فيشد ستارة. لو زوجته واقفة في الطرقة يدخلها جوة بحيس انا لما اعدي عيني لتطلع - 01:02:59

على شيء متعلق باهل البيت فشرع الله الاستئذان قبل الدخول وشرع الله الاستئذان ايه؟ وكل ده من منطلق شيء واحد بس وهو قول النبي صلى الله عليه وسلم انما جعل الاستئذان من اجل الايه؟ البصر علشان عيني لا تقع على عورة من عورات اهل البيت - 01:03:10

علشان عيني لا تكشف شيء ينبغي انه يكون مستور يا الله على الادب اللي موجود في سورة النور يا الله على الادب الموجود في سورة النور وصلت وصل التشريح وصل التشريع - 01:03:31

في قضايا الاستئذان ان لو في يوم من الايام حد بص لاهل بيتك. بص لاهل بيتك. واحد مسلا ايه ربنا يعافينا يا رب شرار الشباب يططلعوا على السطح من فوق ويدأوا عينيهم تتططلع على عورات الناس من خلال المنور - 01:03:50 او اللي واقف جوة البيت ومغلق النور علشان بيص على اللي واقفة بتنشر قدامه وده بينتشر اوبي في الاماكن الشعبية اللي البيت في وش البيت او البيت لازق في البيت - 01:04:08

يعني انا كان عندي درس في القاهرة في احد آآ الاحياء اللي هي في العتبة ودخلت بقى جوة البيوت اوبي وفي الاميرية كان عندي برضو درس في الاميرية. الحلة بتاعة الاميرية دي البيوت اللي في وش البيت يعني يطلع الرجال يسلم على جاره من البلكونة. ازبك عامل ايه - 01:04:23

فنظرا علشان البيوت دي لها حرمة. النبي صلى الله عليه وسلم في يوم وهو طالع من بيته فيفتح الباب كده فلقى واحد حاطط عينيه جوة خرم في الباب كده بيتصوا على النبي كده - 01:04:43

وقال صلى الله عليه وسلم والله لو اعلم انك تنظر انا لو اعرف ان انت بتتططلع على عورة البيت وكان النبي بيسرح شعره معه في ايده فرشة مشط والله لو اعلم انك تنظر لفؤات في لفؤات عينك بها - 01:04:59

ثم قال صلى الله عليه وسلم انما جعل الاستئذان من اجل البصر هو ليه ربنا شرع الاستئذان قبل وبعد؟ ليه علشان ما حدش يطلع على عورة في بيته يا اخوانا فيه ناس اصلا عايشة ازاى تتططلع على عورات الناس - 01:05:17

ودول للنبي صلى الله عليه وسلم قال في شأنهم يا عشر من امن بلسانه ولم يدخل الايمان قلبه لا تغتابوا المسلمين ولا تتبعوا ايهم عوراتهم فانه من تتبع عورة اخيه ها تتبع الله عورته. ومن تتبع الله عورته فضله في قعر بيته. اللي يتتبع عورات المسلمين - 01:05:37

ربنا هيفضحه وهيوضحه في قلب بيته جميل وبهذا نكون احنا كده ايه خلصنا مجمل لما يتعلق بال التربية الاخلاقية داخل سورة النور نحمل كده سريعا قلنا ان التربية الاخلاقية قائمة على الداعمتين او دعامتين الدعامة الاولى ها الدعامة الناهية الدعامة التانية القواعد الامرية الدعامة الناهية - 01:05:57

معناه الاخلاق السيئة اللي الصورة نهت عنها وامر المؤمنين بالابتعاد عنها. زي آآ ما يتعلق بالفواحش والعياذ بالله زي القذف آآ زي آآ افات اللسان وغير ذلك من الاخلاق. الدعامة الثانية هي دعامة الاخلاق المأمور بها. وقلنا ان دي آآ مبنية على اصلين - 01:06:24 الاصل الاول الاخلاق المتعلقة بالايه؟ بالفرض. تعامل الفرض نفسه الاخلاق المتعلقة بالايه بالجامعة المسلمة او بالمجتمع المسلم الاخلاق المتعلقة بالمجتمع المسلم والمجتمع المسلم ده يعني اخلاق علشان تدعوا الى - 01:06:44

تألف التراحم والترابط بين هذا المجتمع وصلت بكرة ان شاء الله باذن الله تبارك وتعالى هنتكلم على نوع من اهم واخطر انواع التربية التي ذكرت عفوا الحد الجاي. الحد الجاي ان شاء الله اسف - 01:07:02

الحد الجاي ان شاء الله. هنتكلم على نوع من اهم واخطر انواع التربية للأسف احنا اتكلمنا عن التربية الایمانية واتكلمنا عن التربية الالحلائية وللأسف لم نتكلم عن تربية متعلقة بكيفية مواجهة الشاب او الفتاة المسلمة لما يتعلق بالغرائز الكامنة الشهوات - 01:07:18 اودي غريبة في قلب كل ولد وبنات طب هي لها تربية؟ اه طبعا لها تربية. طب حد اتكلم فيها قبل كده اتكلم فيها قبل كده باصول

علمية طب ولادنا غرقوا في الشهوات ليه - 01:07:39

ما هو خد آآ اخنا آآ انا كنت لسة بشوف فيديو من قيمة كم يوم آآ ممسل معروف مشهور بيسأله ازاي نعالج الكبت المتعلق بالشهوة عند الشباب؟ قال لهم انا شايف ان علاج الامر ده مزيد من العربي - 01:07:55

كيف على الشاشة بتاعتنا شوية فاحنا لما يكون في عري زيادة هتكوني نتيجة ان الكبت ده هيخت عن الشباب شوية. هيلاقوا ما يفرغ الشاب شهوته ازاي - 01:08:11

بالحرام طيب عفوا سامحوني يا اخواننا لا ينبعي ابدا ان نلوم عليه انما اللوم علينا نحن لأننا لم نوجه الناس لتربية النشء وتربية الاجيال كيفية التعامل مع مسل هزه المسائل من خلال منطلق القرآن والسنة - 01:08:25

احنا قلنا مصادر التربية عندنا القرآن والسنة وهدي الصحابة والسلف. آآ الدرس الجاي المذكرة هي فيه بنسبة عشرين في المية. التمانين في المية انا اقول لكم هيبقى برضو معنا آآ يعني اربع ورقات صغيرين كده كيف يتتعامل الشاب مع - 01:08:44
اه اه الشهوة كيف يتتعامل الشاب مع الشهوة؟ وده امر من اخطر انواع التربية وفرع من اخطر فروع التربية اللي به يا اما الام تقف على رجلها يا اما الام تروح في الهاوية - 01:09:02

والاجيال اللي موجودة حاليا الا من رحم ربى ما ضاعت الا بسبب هذا غياب هذا النوع من التربية على شاشتنا غياب هذا النوع من التربية للأسف يعني احد الشباب اختتم معكم بالموقف ده علشان اقول لكم ان التربية دي عندنا مفتقدینها - 01:09:17

وللأسف آآ الطبيب النفسي لما بيروح له شاب عشان يعالج له مشكلة زي كده بيضيعوا لأن الطبيب النفسي ده واحد اصول التربية والتعليم عنده منين ؟ من برة انا شاب من الشباب حد من ولادنا اللي احنا يعني الواحد تعب جدا على ما وقف على الشاب ده وقف على رجليه - 01:09:37

حصلت له مشكلة في الجانب ده. فوالده وداه لطبيب نفسي الطبيب النفسي قال له ده كبت جاي لك نتيجة ان انت ما تعرفش حد من الجنس الآخر انت يا ابني بتتمشي مع بنت؟ قال لأ بتففضض معها؟ لأ. طب يا ابني انت بتتكلم مع مين ؟ قال له انا والله فيه شيخ باحبه كده بتتكلم معه دايما وهو بيحاول دايما يحطني على الطريق. قال له يا ابني ده غلط - 01:09:58

انت عايز الكابتن اللي عندك ده يروح شف لك يا ابني بنت معك في الكلية وحاول ان انت ايه تخرج كل ما عندك مع البنت دي والله العظيم نصا كده زي ما باقول لكم - 01:10:18

فدي التربية اللي جاية لنا من الغرب دي التربية المتعلقة ازاي الشاب يواجه الشهوة؟ دي التربية اللي جت لنا من برة سبحان الله!
التربية اللي تطلع شباب فسدة انما سبحانه الله احنا هنتكلم على التربية دي من خلال القرآن. من خلال سورة النور. وهتشوف قد ايه الصورة سبحانه الله بتتكلم على اخص لحظات - 01:10:32

ضعف المتعلق بالولد والبنت بدون ان تثير اي غرائز ولا كوامن ولا شهوات كلام ربنا كلام ربنا سبحانه وتعالى. هنتكلم على هذه التربية اللي ممكن يعني تقعد فيها درس كامل ان شاء الله من اول الدرس لآخره في هذا النوع من انواع التربية - 01:10:57
الدينية الاسلامية الشرعية اللي بتواجهه مسل هزه الامور. جزاكم الله خيرا آآ هذا وصلى الله على نبينا محمد وعلى الله وصحبه وسلم - 01:11:13